



## **TOSHKENT DAVLAT YURIDIK UNIVERSITETI REKTORINING B U Y R U G ' I**

07.06.2024

94-um-son

### **Masofaviy ta'lim shaklida tashkil etiladigan oliy ma'lumotga ega bo'lgan shaxslarni yuridik mutaxassislikka qayta tayyorlash kursi kirish imtihonlarini o'tkazish to'g'risida**

O'zbekiston Respublikasi Vazirlar Mahkamasining 2018-yil 14-iyundagi "Toshkent davlat yuridik universiteti huzuridagi Yuridik kadrlarni xalqaro standartlar bo'yicha professional o'qitish markazi faoliyatini tashkil etish chora-tadbirlari to'g'risida"gi 453-son hamda 2021-yil 6-apreldagi "Yuridik kadrlarni xalqaro standartlar bo'yicha tayyorlash tizimini yanada takomillashtirishga doir qo'shimcha chora-tadbirlar to'g'risida"gi 189-son qarorlariga asosan, shuningdek Toshkent davlat yuridik universiteti huzuridagi Yuridik kadrlarni xalqaro standartlar bo'yicha professional o'qitish markazida masofaviy ta'lim shaklida tashkil etiladigan oliy ma'lumotga ega bo'lgan shaxslarni yuridik mutaxassislikka qayta tayyorlash kursiga kirish imtihonlarini yuqori saviyada o'tkazish maqsadida

### **B U Y U R A M A N:**

1. 2024-yilning iyun-dekabr oylarida masofaviy ta'lim shaklida tashkil etiladigan oliy ma'lumotga ega bo'lgan shaxslarni yuridik mutaxassislikka qayta tayyorlash kursi:

Imtihon komissiyasi tarkibi 1-ilovaga muvofiq;

suhbat shaklidagi kirish imtihonlari savollarini tuzish bo'yicha Ekspert guruhi tarkibi 2-ilovaga muvofiq tasdiqlansin.

2. TDYU huzuridagi Yuridik kadrlarni xalqaro standartlar bo'yicha professional o'qitish markazi (F.Maxmudov):

kirish imtihonlarini 2024-yilning 10-14-iyun kunlari nizom talablari asosida yuqori saviyada o'tkazilishini;

Imtihon komissiyasi a'zolari va kursda o'qish uchun hujjat topshirgan barcha talabgorlarning kirish imtihonlariga grafik asosida o'z vaqtida yetib kelishlari haqida xabar berilishini;

kirish imtihonlari jarayonlari Internet tarmog'i orqali onlayn translyatsiya qilinishini;

imtihon jarayonlarining shaffof va adolatli o'tkazilishi yuzasidan Imtihon komissiyasi a'zolariga zarur shart-sharoitlar yaratilishini;

kirish imtihonlari natijalarini suhbat yakunlanganidan keyingi ish kunidan kechiktirmay Markazning rasmiy veb-sayti hamda universitet va Markazning ijtimoiy tarmoqlardagi sahifalarida joylashtirilishini ta'minlasin.

3. Mazkur buyruq ijrosini nazorat qilishni o'z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Bo‘lim boshlig‘i

S.MAMANAZAROV



**Kelishildi:**

yuriskonsult

D.ALIBOYEV

